

Broj: 06-03-228-10/6/16
Mostar, 28.04.2016. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije broj 06-03-228/6/16 od 16.02.2016. godine, podnosioca zahtjeva „GSL AUTO CENTAR“ d.o.o. Gornji Vakuf-Uskoplje, Regulatorna komisija za energiju u Federaciji Bosne i Hercegovine – FERK je dana 28.04.2016. godine na VII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „GSL AUTO CENTAR“ d.o.o. Gornji Vakuf-Uskoplje.
2. Utvrđuje se „GSL AUTO CENTAR“ d.o.o. Gornji Vakuf-Uskoplje, status kvalifikovanog proizvođača u objektu solarne fotonaponske elektrane „GSL“ u periodu važenja dozvole iz tačke 3. ovog rješenja.
3. Dozvola za rad izdaje se na period od 28.04.2016. godine do 27.04.2026. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan da plaća regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je dana 16.02.2016. godine primio od podnosioca „GSL AUTO CENTAR“ d.o.o. Gornji Vakuf-Uskoplje Zahtjev za izdavanje dozvole za rad za proizvodnju električne energije broj 06-03-228/6/16, te dana 09.03.2016. godine dopunu Zahtjeva za izdavanje dozvole za rad za proizvodnju električne energije pod brojem 06-03-228-01/6/16.

Prilikom pregleda kompletnosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev kompletan u smislu člana 12, člana, člana 22. i člana 23. Pravilnika za izdavanje dozvola.

Postupajući u skladu sa članom 15. Pravilnika za izdavanje dozvola FERK je dana 16.03.2016. godine u Večernjem listu, Dnevnom avazu i Nezavisnim novinama, kao i na svojoj i internet stranici, objavio Obavještenje za javnost o podnesenom Zahtjevu za izdavanje dozvole za rad za proizvodnju električne energije podnosioca zahtjeva „GSL AUTO CENTAR“ d.o.o. Gornji Vakuf-Uskoplje. Povodom Obavještenja za javnost, do roka naznačenog u obavještenju odnosno do 24.03.2016. godine do 10:00 sati, FERK nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješača.

Na osnovu navedenog, a u skladu sa članom 55. Pravilnika o javnim raspravama i rješavanju zahtjeva, sporova i žalbi, FERK je dopisom broj 06-03-228-04/6/16 od 25.03.2016. godine, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 28.03.2016. godine.

Postupajući po navedenom obavještenju, da se postupak izdavanja dozvole provede po skraćenom postupku, podnositelj zahtjeva je dostavio FERK-u dopis primljen dana 28.03.2016. godine pod brojem broj 06-03-228-05/6/16, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-228/6/16 od 16.02.2016. godine, podnosioca „GSL AUTO CENTAR“ d.o.o. Gornji Vakuf-Uskoplje. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-228-06/6/16 od 31.03.2016. godine usvojio Nacrt dozvole za rad za proizvodnju električne energije, dok je Odlukom FERK-a broj 06-03-228-07/6/16 od 31.03.2016. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom nacrtu dozvole za rad za proizvodnju električne energije, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana 12.04.2016. godine u 10:00 sati, u prostorijama Javne ustanove „Centar za obrazovanje i kulturu“ Gornji Vakuf-Uskoplje, a pisani komentari su se mogli dostaviti na adresu FERK-a ili na elektronsku adresu, u periodu od 01.04.2016. godine do 14.04.2016. godine do 10:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a i podnosioca zahtjeva. Podnositelj zahtjeva je istakao da nema primjedbi na predloženi tekst nacrta dozvole, kao i da će „GSL AUTO CENTAR“ d.o.o. Gornji Vakuf-Uskoplje ispuniti sve dozvolom postavljene uslove.

Do ostavljenog roka za dostavu pisanih komentara, odnosno do 14.04.2016. godine do 10:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koje je sadržavalo kratak pregled toka rasprave, zapisnik sa opšte rasprave i

preporuke, te je iste uputio podnosiocu zahtjeva na komentare dana 19.04.2016. godine pod brojem 06-03-228-08/6/16.

Podnosilac zahtjeva je povodom navedenog FERK-u dostavio dana 20.04.2016. godine dopis primljen u FERK pod brojem 06-03-228-09/6/16, u kojem je naveo da je saglasan sa izvještajem voditelja javne rasprave.

Izvještaj voditelja postupka sa komentarima podnosioca zahtjeva dostavljen je članovima FERK-a dana 19.04.2016. godine pod internim brojem 06-08-342/16, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije podnosioca „GSL AUTO CENTAR“ d.o.o. Gornji Vakuf-Uskoplje i dokumentacije priložene uz zahtjev, utvrđeno je da podnosilac zahtjeva ispunjava kriterijume za izdavanje dozvole za rad za proizvodnju električne energije i za sticanje statusa kvalifikovanog proizvođača sukladno Zakonu o električnoj energiji u Federaciji Bosne i Hercegovine i Zakonu o korištenju obnovljivih izvora energije i efikasne kogeneracije, te Pravilniku za izdavanje dozvola i Pravilniku o sticanju statusa kvalifikovanog proizvođača električne energije.

Na osnovu navedenog, kao i analize postupka opšte rasprave, odnosno izvještaja voditelja postupka, u dozvoli koja je predmet ovog rješenja, podnosiocu zahtjeva postavljeni su, u skladu sa članom 32., članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „GSL AUTO CENTAR“ d.o.o. Gornji Vakuf-Uskoplje, da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterijuma.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnositelj zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić